



Na osnovu člana 6. stav (2) Zakona o investiranju javnih sredstava ("Službene novine Federacije BiH", broj 77/04 i 48/08), člana 19. i 141. Statuta Općine Novo Sarajevo („Službene novine Kantona Sarajevo“, broj 05/20 - prečišćen tekst i 20/20 – ispravka) te člana 3. Pravilnika o investiranju javnih sredstava Općine Novo Sarajevo („Službene novine Kantona Sarajevo“, broj 43/13) Općinsko vijeće Novo Sarajevo je na 9. redovnoj sjednici održanoj dana 11.11.2025. godine donijelo:

POLITIKA INVESTIRANJA RASPOLOŽIVIH JAVNIH SREDSTAVA OPĆINE NOVO SARAJEVO ZA 2026. GODINU

Član 1.

(Predmet)

- (1) Politikom investiranja raspoloživih javnih sredstava Općine Novo Sarajevo utvrđuju se smjernice za odlučivanje o vrsti odobrenih investicija u koje će se ulagati raspoloživa javna sredstva, o najvećem dozvoljenom iznosu ulaganja kao i drugim slučajevima značajnim za određivanje stepena rizika ulaganja.
- (2) Investiranje raspoloživih javnih sredstava dozvoljava se isključivo u cilju povećanja ekonomičnosti i rentabilnosti, odnosno povećanja vlastitih prihoda Općine Novo Sarajevo.

Član 2.

(Investicioni menadžer)

- (1) O imenovanju investicionog menadžera Općinsko vijeće donosi posebnu Odluku.
- (2) Investicioni menadžer Općine Novo Sarajevo, ima ovlaštenje da u ime Općine upravlja raspoloživim javnim sredstvima i odlučuje o investicijskim aktivnostima uz uvažavanje principa sigurnosti, likvidnosti, ekonomičnosti i rentabilnosti.
- (3) Prava upravljanja i odlučivanja iz prethodnog stava investicijski menadžer ne može prenijeti na treće lice bez saglasnosti Općinskog vijeća.

Član 3.

(Sredstva investiranja)

- (1) Pod javnim sredstvima (sredstvima investiranja) podrazumjevaju se sva budžetska sredstva, porezni i neporezni prihodi, naknade, vlastiti prihodi, primici, transferi, donacije, krediti i grantovi.
- (2) Raspoloživa javna sredstva su sva novčana sredstva iz stava 1. ovog člana koja trenutno nisu potrebna i raspoređena za druge namjene niti su ograničena drugim namjenama, a odnose se na sredstva na svim transakcijskim računima Općine Novo Sarajevo, izuzev izdvojenih donatorskih sredstava koja se vode na posebnim računima.

Član 4.

(Način investiranja)

- (1) Raspoloživa javna sredstva Općine Novo Sarajevo se mogu investirati isključivo u oročene depozite bilo koje banke (depozitara) koja je članica Agencije za osiguranje depozita Bosne i Hercegovine, te oročene depozite kod Centralne banke Bosne i Hercegovine, u skladu sa Zakonom o Centralnoj banci Bosne i Hercegovine („Službeni glasnik BiH“, broj 1/97, 29/02, 8/03, 13/03, 14/03 - ispr., 9/05, 76/26 i 32/07).
- (2) U skladu sa ograničenjima predviđenim Zakonom o investiranju javnih sredstava („Službene novine Federacije BiH“, broj 77/04 i 48/08) investicionom menadžeru dozvoljeno je, u skladu sa iznosom raspoloživih sredstava koji namjerava oročiti, izvršiti odabir više banaka pod najpovoljnijim uslovima za Općinu Novo Sarajevo.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



- (3) U svrhu investiranja sredstava, Općina otvara poseban račun za investiranje koji ulazi u sistem Jedinstvenog računa trezora, u skladu sa Zakonom o trezoru u FBiH („Službene novine Federacije BiH“, broj 26/16 i 3/20).
- (4) Izbor depozitara iz stava 1. ovog člana vrši se neposrednom pogodbom, sa onim bankama koje ponude najpovoljnije uslove investiranja (kamatna stopa, rok dospijeca, prijevremeni raskid i dr.).
- (5) Izbor banke iz stava 3. ovog člana vrši se u skladu sa propisima koji su regulisani Zakonom o javnim nabavkama i podzakonskim aktima iz ove oblasti..

Član 5.
(Ograničenja)

- (1) U oročeni depozit kod jedne banke ne smije se investirati više od 25% raspoloživih javnih sredstava kojima raspolaže Općina Novo Sarajevo.
- (2) U odobrene investicije čije dospijee ne prelazi sedam dana mora se investirati najmanje 10% raspoloživih javnih sredstava koja pripadaju Općini.

Član 6.
(Period investiranja)

- (1) Period na koji se sredstva oročavaju u 2026. godini ne može biti duži od jedne kalendarske godine (12 mjeseci).
- (2) Izuzetno, u uslovima oročavanja depozita sa fleksibilnim uslovima, period oročavanja može biti do dvije godine (24 mjeseca).

Član 7.
(Utvrđivanje raspoloživih sredstava)

- (1) Služba za privredu, budžet i finansije nadležna je za izradu planova novčanih tokova koji predstavljaju osnovu za izvršavanje budžeta i izradu operativnih terminskih planova. Plan novčanih tokova razmatra i odobrava Odbor za likvidnost budžeta kojeg posebnim aktom imenuje Općinska načelnica.
- (2) Na osnovu odobrenog plana novčanih tokova i usvojenih operativnih planova Služba za privredu, budžet i finansije provodi detaljne analize tržišta novca i rizika te predlaže investicijskom menadžeru modalitete oročenja raspoloživih javnih sredstava.
- (3) Po odobrenju prijedloga od strane investicijskog menadžera, Služba za privredu, budžet i finansije provodi neophodne radnje za oročenje, prati tržište i izvještava investicijskog menadžera o svakoj promjeni na tržištu koja bi mogla uticati na sigurnost oročenih depozitnih sredstava.

Član 8.
(Odluka o investiranju)

- (1) Investicioni menadžer donosi Odluku o investiranju za svaku investiciju posebno. Odluka minimalno sadrži podatke o:
 - a) izabranoj banci putem koje će se investirati sredstva,
 - b) iznosu sredstava koja će se investirati,
 - c) kamatnoj stopi,
 - d) roku dospijeca investicije.

Član 9.
(Prihod od investiranja)

Prihodi stečeni investiranjem uplaćuju se na Jedinstveni račun trezora Općine Novo Sarajevo i predstavljaju prihode Općine Novo Sarajevo.

Član 10.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



(Izvjestavanje)

- (1) Investicioni menadžer podnosi Općinskom vijeću polugodišnji i godišnji izvještaj o efektima investiranja kao sastavni dio Informacije o izvršenju budžeta Općine Novo Sarajevo.
- (2) Evidencije o investiranju u 2026. godini dostavljaju se i Federalnom ministarstvu finansija najkasnije do 31. marta 2027. godine.

Član 11.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj: 02OV-01-1-10759/25
Sarajevo, 11.11.2025. godine

PREDSJEDAVAJUĆI
Općinskog vijeća Novo Sarajevo

Mr. sci. Edison Pavlović



